



二酉園詩集卷之二

涇陽陳文燭玉叔著

擬古樂府

去示部  
原部  
請部

漢鏡歌十八曲

朱鷺

朱鷺朱鷺翩翩其羽  
羽絳君聞琴瑟將以諫明

主

思悲翁

思悲翁  
我美人西且東  
其母營巢在樹中  
慈

國  
籍  
保  
護  
印

鳥一去不相逢  
江長空惠惠悲翁

艾如張

艾而張羅北山之阿  
中有蒼雀摩天  
嶮嶮意欲從君  
讒言孔多  
不背懷室  
其知雀柯

上之回

上之回自回中  
天險談地維通  
以圭甘泉宮躡  
穹廬歸皇都  
奏凱樂軒舉  
手臣何奴  
方丈蓬萊莫可圖  
千秋萬歲樂無虞

翁離

翁離趾中居可通  
安心蒿與蓬  
蘭蕙難爲容  
擁

離趾中

戰城南

戰城南死城北  
黑雲壓城我心惻  
謂我出攻戰必克  
一身甘作鳥鳶食  
水深漭漭蒲葦蕭蕭裏  
騎一不鳴驚馬悲  
且驕南山築室何其遙  
禾黍不食腐肉夥  
願爲忠臣何可假  
思子良臣良臣誠可若生  
不封侯暮葬于野

巫山高

巫山高高以峻江水深深以長綿綿遠道我心  
孔傷參差雲雨峙彼高唐欲往從之河無梁徘徊  
望遠泣沾裳願託晨風吹還故鄉

上陵

上陵何美芙蓉下津亦浪浪問客從何來自言水  
中央芰荷爲君衣芙蓉爲君裳木蘭爲君佩黃  
金生光芒麒麟之芝以九莖鳳鳥隨山林乍開  
乍合曾不知日月明醴泉之水光澤何洋洋蒼  
爲橋白虹爲梁八極相翱翔甘露一以降芝

早生未央願奉我王飲萬壽真無疆

將進酒

將進酒勸以歌紛佳哉樂孔多索良工賡所哦  
嘉肴薦四時和觀者不苦柰爾何

君馬黃

君馬黃臣馬蒼二馬並驅臣馬良一日千里駕  
如龍美人歸以東躡影追風美人正長空佳人  
歸以西青驄駛驥佳人安可齊

芳樹

芳樹離離上拂青雲下臨蘭池黃鵠翱翔羽參  
差二而爲侶三而成行目不可顧心不可匡彼  
攘臂者姪人之子張弓挾彈心何爾南山有網  
北山羅黃鵠高飛柰若何

有所思

有所思乃在瀚海間何用問遺君玉葉雙珠環  
繫之朱絲繩承以紫瑛盤盤比如意歡繩比回  
心結聞君有兩意故來相訣絕瀚海有時盡流  
沙不復回拉雜摧燒之當風揚其灰白壁燬一

朝甘同瓦礫賤鷄鳴狗吠兄嫂知晨風起兮東  
方旦

雉子斑

雉子斑如此翩翩之羽翰雄飛拉其雌朝于山  
梁暮河干白馬誰家子彎弓挾彈丸雉子知得  
飛且遙黃鵠之飛以千里雉子之車日追攀駕  
以南山駕以北山遨遊王孫間

聖人出

聖人出應昌期天地位庶績熙祥雲見甘露滋

麟在郊鳳來儀舉寶鼎登赤芝君之臣明和四  
時懷仁輔義天下治佳人來哉何駢離

上邪

上邪我欲與君相知生死不相棄日月從西出  
海水逆北流馬亦能生角鳥亦能白頭天地有  
終歇乃敢與君絕

臨高臺

臨高臺高臺見溟渤水清寒于骨蘭草香且醇  
黃鵠高飛橫絕四海非爾羽翼何能待以壽我

主千萬載

遠如期

遠如期益如壽明明天子陟帝左右單于自歸  
四夷守累世未聞漢德茂謁者羽之鄉殿陳方  
物是獻梯航來賓于羽之舞何彬彬增壽萬年  
實無垠

石流

石流磷磷流水湯湯中有蘭草河爲香永言懷  
君悲以傷寒裳可涉豈曰無梁秋風蕭蕭露爲

霜爲君寄將君莫忘

隴頭歌

隴頭征戍兒隴阪九回上蕭蕭塞馬鳴西風倍  
惆悵

朝發隴水頭暮宿交河渚隴水日夜流故鄉渺  
何許

出塞

縱橫出長安慷慨臨大漠月懸弓矢明霜落旌  
旄白

入塞

戍久馬首垂提戈勲業奇歸來見明主何用錢  
刀爲

紫騮馬歌

少小從軍去垂老始得歸但知紫騮馬不知有  
阿誰

蹀躞青絲鞵踟躕珊瑚鞭橫行事征戰驥裏真  
無前

黃淡思歌

逐郎思如饑逐郎思如渴獨坐亦何言所思在天末

江水何浩蕩真州估客場綠絲作幃絳黃金作帆檣

### 捉搦歌

仕宦還須論遇合結交還須論舊盟男兒失意在人後老女不嫁難爲情

東家女兒工數錢髮間明珠雜花鈿願爲在天比翼鳥時時理佛總堪憐

長安樓頭夜張宴樓上笙歌落片片馬上行人空佇立但聞其聲不見面

上曳綉襦下文履中有青絲兩頭繫少時憐母今憐郎何不結伴論家計

### 幽州馬客吟歌

幽州朔氣寒良馬常苦瘦芳草好起羸黃金空在袖

帳中燭熒熒坐久滅亦易盛年何可常千金當一擲



南山雖言高尚有北山匹願作一心人出入掇  
郎臂

自言十指鑲玉壺不離手男女共燕游殷勤相  
勸酒

黃花生後園少年行結客意氣正堪憐紫駟在  
長陌

### 東光

朔南平東西何不乎粵寇多水戰川寇多山營  
諸軍游蕩子騎射難縱橫

### 鳥生

鳥生八九子端坐秦氏桂樹間五陵年少何翩  
翩挾彈張弦出入樹東西惜我一丸卽墮羽鳥  
死魂魄飛上天阿母生鳥子時乃在南山巖石  
間南山巖石何鬱第惜我人民安能知其巔神  
龍不可馴龍骨尚得獲深淵麒麟不常有麟趾  
尚得羅于田黃鵠于飛高摩天真人致之供雕  
盤惜我人生各有命生死長短安足憐

### 陌上桑

皎皎日初出高樓  
采南隅樓上有好女自名秦  
羅敷羅敷白玉姿足不踰戶樞性頗喜蠶作採  
桑南陌衢首戴藻翹飾耳綴明月珠輕縑爲下  
裙薄縠爲上襦行者見羅敷下擔意踟躕少年  
見羅敷指顧行疾趨樵者忘其薪芻者忘其芻  
歸來相怨怒但坐觀羅敷

解一

使君自南來五馬立斯須遣吏前致問爲是誰  
家妹羅敷秦氏女採桑在道途羅敷年幾何十  
五爲人婦嫁復一年餘小吏前致辭可與使君

俱羅敷謝使君使君亦何迂我非使君婦使君

非我夫

解二

東方千餘騎夫婿居上頭何用識夫婿飛蓋隨  
高車象牙爲車軫桂樹爲輪輿腰間太阿劍可  
直千金餘起家府小吏拜爲朝大夫四十遷郡  
守剖符專城居黃金綰白晢紫綬映青鬚浮生  
一有歸俯仰真堪娛坐中數千人皆言夫婿殊

解三

董逃行

吾欲上謁崑崙山山頭崎嶇道路難五城十洲  
縹緲間黃鵠高飛一舉千里但見芝草紛紛若

可攀一解

逸翮拂霄見蓬萊雲螭爲駕金銀臺奇齡邁五  
龍千歲方嬰孩吾將汗漫游九垓二解

行行一入瑤池前王母綽約何翩翩青童問我  
有所求長跪授大道殷勤乞永年三解

教敕凡吏採取玄圃之芝明且鮮置之玉皇香  
案前白兔搗此藥壽命其長延服之可以成列

仙四解

服此神藥顏自好天神護之永不老垂裳坐享  
太平君臣驩如魚藻陛下長與天相保五解

秋胡行四首

晨上散關山此道何當難晨上散關山此道何  
當難便佞似是忠貞爲姦輸心當面譏笑背顏  
誰知雲忽雨但在翻覆間詩以言志晨上散關

山

有何三老公卒然在我傍有何三老公卒然在

我傍被裘而語其上融融丈夫處世得喪窮通  
胡爲太自苦媚世難爲工詩以言志有何三老  
公

我居崑崙山所謂者真人我居崑崙山所謂者  
真人名山可適何意遭屯神遊八極飄然絕塵  
鞭龍與駕鶴宮闕渾金銀詩以言志我居崑崙  
山

去去不可追長恨相牽攀去去不可追長恨相  
牽攀我心惆悵夜如何其起不能寐徘徊多時

追  
西有岐路欲往將何之歌以言志去去不可

善哉行

人生如寄少合多離我今不樂沉吟何爲一解

高堂置酒叙此生平我有嘉賓鼓瑟吹笙二解

歡日尚少戚日苦多請看明鏡如秋霜何三解

遨游名山翩翩羽翰忽遇八公長生四解

饑來問飧寒來問衣秉燭爲樂月明星稀五解

海上六龍雲中長縵仙人王喬相與遊戲六解

西門行

出西門步踟躕前有濁酒尊不醉當何須解一

夫爲樂及時可歡娛若徒坐愁抑鬱吾恐日月

徂解二

呼斗酒發浩歌請爲十日飲傍人當奈何解三

浮生如朝露沉憂令人老今日宴會良且爲開

懷抱解四

自非故人鍾子期高山流水當誰知自非故人

鍾子期高山流水當誰知解五

顧非金石資壽命安可期待問家人產但爲識

者嗤解六

東門行

出東門不顧歸來入門悵欲悲家無儋石儲四  
壁空相羈腰問七首光芒動兒女牽衣問所之  
世人皆言願富貴賤妾與君共寒饑共寒饑上  
畏秋旻天下爲黃口兒今時賢豪好交結君復  
自愛莫相危今時賢豪好交結君復自愛莫相  
危哉今按劔已爲遲白髮悠悠當依誰

飲馬長城窟二

青青山上草悠悠玉關道長城亦何遙飲馬鳴  
蕭蕭芳草生有時游子歸無期他鄉各異縣展  
轉夢見之枯桑知天風海水知天霜欲語更無  
人徘徊空彷徨我馬苦征戰羈客傷別離十月  
鴈鴻盡尺書何由知尺書日易暮長城風以淒  
書中亦何語強飯長相思

艷歌何嘗行

何來雙白鵠乃從崑丘西成行自十五雄飛拉

子夜歌十首

宿昔綺羅粧繾綣在郎前但愁不見郎不愁郎  
不憐

春蠶易爲生交情無足比纏綿不復斷纏綿只  
縲子

自從郎去後隄上種黃檗黃檗已成林苦心向  
誰白

泛泛木蘭舟採蓮向澤藪郎心愛花開妾心愛  
成藕

芙蓉近長江儂念廿四自見烟霧隱芙蓉歡情尚  
它轉

作樂當及時流光易爲謝若不信儂言但看白  
日下

平生共城中今來作隣里門前梧桐枝時時見  
梧子

歡心似太陽儂心如北斗北斗無轉移太陽東  
西走

氣清明月時贈君青絲屐腹中陰相思步步見  
其雌一朝雄偶去雌病甘羈棲五里反回顧六  
里哀鳴啼吾欲伴汝止老去志苦齋吾欲負汝  
去氣結力摧微樂在生相知難在生別離躊躇  
顧羣侶羽翼何差池念與君離別各各言相思  
綿綿在遠道日歸竟難持日月遙相望形影不  
可追生當嘗相見死更何所之今日樂相樂千  
秋以爲期

艷歌行

翩翩雙飛燕冬藏云及同宿良人事遠游寄身何

碌碌上堂事舅姑  
三堂供蠶作春日  
去采桑輕風動  
純素良人從外來  
斜柯西北顧語卿  
且莫顧黃金自賂  
黃金何纍纍遠行  
不如歸

又

南山有松栢亭亭立  
孤峯上可摩霄漢  
下可充棟隆洛陽  
發中使松栢竊自  
菅一朝斧鋸截柯  
枝忽西東持作四  
輪車載至洛陽宮  
道路莫不嘆問產  
何處淇魯班公輸  
巧刻鏤何玲瓏披  
以丹漆飾加以金  
碧工本自幽谷裏  
今在明堂中

倦意

挈枕北窻下兩情亦何悅  
欲解同心帶心促帶偏結

子夜四時歌八首

春花開滿樹春鳥鳴高堂  
郎情如春風動我羅衣裳

裊裊金堤柳擘擘澤中蘭  
逢儂多欲擿可憐持贈歡

輕羅素手剪製扇  
一自奇上刺雙飛燕  
下繡連



理棹

婉伸華簟上屏帳自顧影郎君忽到前儀容那  
及整

秋聲入帷幙蟲語何啾啾清光望千里明月當  
樓頭

金風振庭柯長夜涼於水寄情砧杵間寒衣獨  
自理

朔風歲欲暮弦歌秉華燭郎從馬上來與郎坐  
重褥

和  
林悲風鳴綠草總霜白儂心耐歲寒但看松  
與栢

前溪歌七首

悠悠前溪水落日  
前溪度流水見儂心  
縈迴有深處

朝朝望前溪幽懷不可吐問歡何處宿獨桑在  
長路

郎度前溪口妾住前溪邊天邊有牛女望望銀  
河清

春風何浩蕩吹動東亭林鳥啼不歇殷勤見  
郎情

春花開爛熳郎行何日還落花共流水憔悴有  
誰憐憐亦空悵然

黃葛倚高樹葛斷根自留記歡分手時乃在獨  
桑頭采桑儂自愁

滄浪映前溪溪水何泠泠波之日有餘爲家不  
鑿井郎名與之永

團扇郎

白團扇明月光燦爛出入懷袖中是郎手所玩  
白團扇臨風託方便中道有乖離難與重相見

七夕夜女歌

娑娑問靈匹一年會亦奇正好叙別離簫管且  
停吹

良晤不常有分携如別何年年有秋水郎去慎  
風波

懊儂歌

五絲合歡被縫之公五絲儂爲懊惱曲它人那

得知

長江細布帆阿那乘風起迢迢一去間便是三千里

哭可頽孤城泣可班修竹相樂尚非真遺恨空在腹

怪哉城頭烏啼起驚人眠歡去不復顧儂病不能言

神絃歌十七首

宿阿曲

湯蕩開天門鬱鬱閉地戶真官來續紛蘇林起

雲霧

道君曲

中庭梧樹枝葉叅天道君來過羽蓋翩翩

聖郎曲

左亦何皇皇右亦何嘖嘖郎坐傍青溪姑坐依白石椒漿自呼來可以話疇昔

嬌女曲

芙蓉何鮮鮮顏色台美好娥眉婉清揚明珠還

在抱偶爾奏絃歌  
樂列海島  
徘徊青溪口  
蹠蹠赤山磯  
上有神僊  
往下有小  
姑來鴛鴦不獨立  
三三兩兩飛

白石郎曲

白石郎臨江居  
江妃鼓瑟河伯獻魚  
積石巖巖在江之渚  
郎豔如玉柰何獨處

青溪小姑曲

青溪湯湯白水洋洋  
小姑如嫁誰謂無梁

湖就姑曲

湖就赤山磯  
芙蓉何芳霏  
采之可成衣  
大姑湖東頭  
仲姑湖西頭  
不共小姑愁

姑恩曲

明姑雲中駕  
日月齊景光  
前導陸離獸  
後從神  
雀金鳳凰

松柏當冬夏  
茗茗葉未捐  
明姑被天恩  
光寵獨  
纏綿

采蓮童曲

泛舟採菱葉  
齊聲打蓮歌  
自負絕代姿  
豔比蓮

花多

東湖過西湖蓮葉覆湖水天生並蒂花曲抱雙蓮子

明下童曲

白面郎矯矯走馬越溪遊望門誰家去遙指射堂頭

馬前石子多馬上兒少小揮鞭赤珊瑚蹀躞金鞍裏

同生曲

人生縱百年白日亦易下及時當晝游爲歡且

卜夜

石城樂

生長石城中城樓亦堪見可憐少年郎遊冶真自衒

寶髻芙蓉釵環插各自愛雙髻艷於花盛年何可再

布帆下江陵使旣如使馬望歡何日還雙淚揮在野

大編出門去相送易春亭春鳥枝頭啼別離轉  
難聽

莫愁樂

艇子迎莫愁莫愁歌過雲石城游冶郎繫馬相  
爲羣

聞歡下揚州相送木蘭舟風便數寄書無便心  
相投

襄陽樂

朔來上大堤暮來宿大堤大堤有游女嬌豔如

花姿

襄陽二三月踏青正及時可憐游冶子轉盼空  
爾思

車馬馳逐來羅襪自驚異大堤諸女兒歡心向  
誰是

送歡遠行役黃鵠飛參天何物買將寄揚州蒲  
鍛環

女蘿亦何薄長松亦何修寄託在纏繞千秋共  
悠悠

卷之一  
託儂不寄書但有  
之去

相許湘水正東流儂意隨

襄陽蹋銅蹄

暮春襄陽時白馬蹋銅蹄  
征人馬上去闈中空  
相思

大堤花正紅峴山草亦綠  
含情寄故人知我心  
相逐

金鞍白玉珂照耀雙闕下  
借問馬上兒曾記襄  
陽舍

夜度娘

夜來冒風雪風雪亦何寒  
但得微情叙辛苦良  
所甘

雙行纏

朱絲上繫腕繡羅下纏足  
他人不言好宛轉歡  
所欲

作蠶絲

桑葉大如掌蠶眠大如指  
晝夜多纏綿感化易  
絲子

春蠶自吐絲綺羅不堪織不辭幾杼勞但恐花  
多色

楊叛兒

妾歌楊叛兒君折白門柳生憎白門烏啼聲易  
爲感

東陰柳花白乘風任飄搖沉香博鑪火一氣凌  
雲霄

胡姬年十五

胡姬年十五遠嫁遊冶郎春日泛淶水風動鬱

金香當壚正含咲蘭陵玉爲漿縱有及時樂不  
如還故鄉

東飛伯勞歌

伯勞飛東燕飛西誰家女兒空含悽開顏發豔  
不出戶滿地落花春已暮南窗北牖明月光年  
年照我有誰妬女兒年幾十五餘翠羽紅粧玉  
不如黃姑織女且相見人間那有銀河車

愛妾換馬

美人不足恃驪裏亦何奇塞外能奔走閨中有



別離但知憐駭骨寧復惜蛾眉自古功名士應  
多棄敝帷

登高丘而望遠海行

登高丘望遠海蓬萊何渺茫男女空在道鼃鼃  
可爲梁銀臺金闕好豈知徐市行祖龍不自保  
赤帝正中與驪山灰亦槁王孫猶不知紛紛事  
祠禱試問山海間何方能却老

四言古

壽曾司馬

西青有圃在河之滸主人逍遙莫愁肥疇優哉  
游哉受天之祐

西青有樓在河之洲主人多福鳳誥螭頭旣受  
帝祉永言千秋

西青有臺在河之隈主人高調白雪仙才尚書  
曳履海上蓬萊

西青三章章六句

題王母圖有序

此鷗江畫史筆也報書曰仙桃獻漢宮武

帝留之不可得而洛城熟于十月者名王  
母桃尊夫人初度在十月二十四日余爲  
此祝幸公賦焉人言畫如生成果自華林  
園耶永留爲吾家盛事矣

西關共食東海度索仙珮翩翩有華灼灼  
何彼濃矣綏山一桃千年結實見此霞標  
誰言曼倩怪哉此兒三熟之後投我瑤池  
紅雨青煙盈盈在手寧獨助嬌住世難老

瑞鳩詩爲景陵陶氏賦

差池鳴鳩集于舍右歷山嚶嚶重華德懋舜亦  
何人則之恐後

差池鳴鳩臨淮翱翔太守辟舉白鳩爲郎君有  
令德乃升斯堂

差池鳴鳩陽城至止祥雲覆之惡聲遠徙千秋  
景陵而有斯美

余新居復中坊鵲巢堂右表叔尚書傅公  
題爲瑞鵲堂賦八章呈家大夫

靈鵲于飛凌風而起懷我好音爰屈爰止

其二

靈鵲于飛填河成橋嚶嚶盡棟匪徒遷喬

其三

靈鵲于飛粟林斯集主人逍遙壽考無極

其四

靈鵲于飛牖戶工巧何必印文家世忠孝

其五

靈鵲于飛其巢可俯宜爾室家和及毛羽

其六

靈鵲于飛聲響相答奮翼上林空聞三匝

其七

靈鵲于飛未來爾知蟄蟄孫子萬年之枝

其八

靈鵲于飛背歲而孳將翺將翺知風之自

五言古

擬古三十首

李都尉陵從軍

一出河梁上天風萬里吹雲間比翼鳥弱羽難

相隨身無有苗罪胡爲竄三危  
淺軀誰足愛壯心無乃移男兒  
惜一死恨恨將何爲古有憫窮  
者浮沉居九夷

蘇屬國武別友

胡馬鳴蕭蕭朔風動顏色我歸還故鄉子也留  
異域絲竹理清歌泠泠慘曾臆平生久因依歡  
娛本無極皓首自丁年妻奴不相識仰觀鴛鴦與  
鴛臨岐乖羽翼中天月更明皎皎無南北獨夜  
聽胡笳知子多心惻後會安可期分手忽太息

矧子莫相忘音書長努力

班婕妤詠扇

新製齊紈扇團團如月圓卷舒在懷袖彩色世  
所憐颯颯涼風發一擲忽棄捐回首翻眷戀恩  
寵猶翩翩舉扇拜新月圓缺在中天

魏太子丕公讌

置酒臨華池逍遙一登眺秋水有芙蓉可以舒  
長嘯華星吐東方更向西園照羽蓋列參差對  
酒仍太醕嘉木飛鳥翔聽之鳴且好徘徊俟河

清百年忽已到爲樂當及時我生白髮早何必  
慕游僊而乃在海嶠

陳思王植贈友

君王雅好賢瑤席西園設絃管晝飛觴華燈夜  
不滅朱宮與清池一一同忝竊然諾重千金毫  
素凌往哲屈宋唐景才鄒枚嚴馬列此歡信可  
珍歲月忽淹別積久愛逾深語多氣偏結千秋  
名竝垂慷慨心仍折四海猶比鄰親交永勿絕

劉文學楨陪讌

公子富文藻遊戲在清時飛蓋翩翩至綺麗亦  
何奇涼風來四野蒸暑撤九達芙蓉與菡萏吐  
華各差池我本羈旅客濡翰相追隨厭厭忘永  
夜明月爲之垂仁獸倚珍木靈鳥鳴高枝嘉肴  
與旨酒坐起金罍移徘徊清漳久不覺歲月馳  
君子綏福履歡娛長若斯

應文學瑒侍集

雲中有過鴈戢翼大河濱故園久荆棘哀鳴安  
所因一旦出頽許欣逢賢主人少年事任俠匪

爲德有鄰逸思吐玄夜尊酒開良辰秦箏與齊  
瑟歌舞如雲屯旣肯顧微細况乃顏色親今日  
不歡樂誰爲百年身投詩見存慰感慨自有真  
中心藏令德悠悠難具陳

王侍中粲懷德

嗟余逢世亂豺虎日夜驚秣馬去故國竄身入  
南荆枯骨空蔽野客子嘆飄零岐路能無泣漳  
河若爲清高堂日置酒追攀在鄴城端居思最  
古四顧悲風鳴自念無衣客誰分狐白情不意  
川淫者而有金石盟志意得舒放感慨由衷生  
去鄉二十載萬事一無成綢繆娛嘉賓惠愛良  
匪輕高深等山海展轉何能名

阮步兵兵籍詠懷

西山頽白日餘光返獨遲四序更相代寒暑不  
覺移野鳥還知倦春華秋亦衰如何磬折子奔  
逐無歸期形役祇自苦擾擾將何爲孤蓬寧特  
生勿附喬木枝喬木有時伐弱蔓安所垂

嵇中散康言志

嗟余寡訓師遭時尤不偶母兄鞠育忍性命得  
長久抗心希古人老莊時在手豈不愛豪華冠  
裳非所有治鍛與彈琴衡門肯相負爲善莫近  
名玄素甘自守亦有步兵徒平生好濁酒散髮  
共長吟阮公真我友養生計頗工絕交惟恐後  
巨源不相知勦我欲狂走草木有時榮而我獨  
老醜懶性久相成優游或永壽

張司空華離情

小風吹古樹明月照流黃佳人在遠道徘徊欲

沾裳延佇思獨苦拊枕夜未央不曾慣離別乃  
在天一方羣生有明闇中心無異常願垂湛露  
恩信我皎日腸

潘黃門岳述哀

春至冬將徂寒暑倏焉易美人歸重泉生死成  
永隔寤寐若見之冥冥竟無益殯宮久肅清嫵  
婉空勞役俯仰未能忘髣髴平生歷翰墨有餘  
思庭除無行跡朔風中野號明月挂屋壁重纏  
始覺單側身徒怵湯如彼雙明珠一朝忽成隻

如彼雙飛鴻羽翼中道折脚蹶蹶慕間自楊清  
露滴羅帷繡鴛鴦我懷日夜積伊誰共歲寒凜  
凜長自擊

左記室恩詠史

乾坤自開闢日月耀九洲堯舜宰天下勲業如  
雲浮當時空揖讓不能屈巢由洗耳箕山上誰  
言玉與侯自非曠達士焉甘物外游神龍不可  
馴大海遠清流

張黃門協苦雨

心龍作何狀蟻穴頻爲封冥冥晝不分瀝瀝聲  
何重明月初離畢號屏鞭豐隆水鶴巢絕頂商  
羊舞長空如注渠可化散絲潦逾洪貫秋鳴不  
歇彌天勢何窮環堵自頽毀車輪無西東幽巷  
日含瘁開霽誰神工昏墊總八極敗禾憂三農  
天意果如此安得吹和風羈束頗自嘆儔侶那  
能同季主有名卜黔婁多孤踪平生甘固守矯  
矯思相從

劉大尉琨傷亂



厄運逢我生皇晉忽不治乾象棟已傾坤儀舟  
覆地蠶食盡中原虎據不可視咨余弱弗能榮  
寵仍屢至彫殘思暫歡強笑欲破涕古有百里  
奚昔愚而今智秦廷一用之勲樹譎然異顧我  
抱忠貞空令歲月逝沙漠指顧間驅馬有長轡  
北顧何蕭蕭憂懣日夜積丈夫志功名胡乃遭  
末季黃河可俟清理亂有終始

盧郎中諶感交

裘非一狐大厦非一木事業在俊英人情亦

安卜眷顧及纖微綢繆應倚玉婚姻遘嘉會契  
闊成心曲胡塵何處來而我時羈束遠念賢豪  
風弘績在往牘良將得趙奢鎮邊有李牧俠氣  
滿疆場芳名還幽谷人生比素絲處危空碌碌  
迢遙望故鄉感遇多昔夙所慙女蘿姿乃附松  
栢屬悠悠難重陳河山自舉日

郭弘農璞遊仙

雲螭駕千仞來往神僊家靈妃錫清露生齒餐  
流霞滄桑海可變吾鬢胡能華采芝鍊丹者顧

我同咨嗟世間蜉蝣輩寧知龜鶴遐

孫廷尉楚雜述

西北起良風飄飄秋氣早命駕出郭門傾城送  
遠道日月若電流萬物同腐草浮生天地間岐  
路不自保憂喜本相循紛繞胡能掃殤子與彭  
聃一一皆壽考達者齊其端太虛同浩渺分手  
在斯須長衢即天表悠悠對彼蒼鑒我多懷抱  
逍遙與守玄大觀以終老

許徵君詢自叙

予耳著道經君乎好卜象一得玄中玄悠然物  
外賞顧我思高蹤千秋人已往白雲滿山中長  
生有遺養耕釣皆可爲竹樹映餘敞振衣一徘  
徊不覺千仞上天末起良風空谷發清響採藥  
任所之榮辱非外獎吾意一無塵皎皎月共朗  
何必羨浮名羈束在世網

殷東陽仲文興矚

乾坤運四時理化有真趣天籟忽自鳴吾心與  
景遇石壁映蒼苔秀萼吐華樹登眺多淒涼韶

光已秋素蕭散有餘閑端居寡營務伊余樂求  
仁玄理非外慕遠漠淡雲浮悠悠更何慮

謝僕射混遊覽

驅車出臺省薄言遵遠郊襟懷日夜積仰窺節  
序高巖阿吐黃菊白露飛且饒桑榆踐暮景明  
月縣良宵萬緒自舒卷動靜恒相交悵望秋嶺  
間雲霞落孤標暫得會心處益覺浮生勞取足  
在適意勿徒嗟寥寥

陶徵君潛田居

跡來事南畝荷鋤常不離悠然坐茅屋濁酒尤  
滿卮饑寒幸得免正值西成時况有素心侶往  
還隨所之天空雲出岫日暮鷄栖埗何人慕五  
斗而我願無違頽然一醉後百年隨所宜

謝臨川靈運游山

山水含清暉清暉日延佇薄游恣閑情碧障吐  
晴宇我懷欲忘歸悠悠亦吾土絕壁抱遠峯石  
竇滴僊乳高樹淡微雲萬竿響烟雨稠疊多嶺  
巖連綿况洲渚澄澈溪頭源活活莫可禦來奇

接未遑去美回堪取夜啼聞猩猩朝復見鼯鼠  
靈境可淹留賞心誰爲主百世已莫知千秋寧  
復數且復弄潺湲振衣在孤嶼幽思旣昭曠外  
物徒朽腐攝生真自由聊爲智者語

顏特進延年侍宴

時巡見虞典逸豫歌夏遊春和動景物神御臨  
江州赤旂浥湛露丹陛驚滄流遂修古禊事仍  
泛木蘭舟笙歌縣巖奏鐘磬水邊浮祥光隨輦  
盃紫氣傍旌旂趙女善秦筑吳娃復越謳飛潛

五被寵珂珮滿芳洲鳧鷖詠郊甸康阜美田疇  
寰宇見熙皞海島空丹丘微臣叨扈蹕皇恩真  
和柔

謝法曹惠連叙別

東風吹長途我行不可繫徘徊思友于嘉會難  
再繼春仲乃良辰咫尺忽分袂方泊浙江潮回  
指浦陽汭何人念此別哲兄惜離羣相送越林  
下冉冉多寒雲青山俯層島澄湖生縠文情深  
語不盡瞻顧徒殷勤形音旣已絕幽懷當告誰

敬亭向來月皎皎照佳麗鬱陶思如結故歡與  
新悲新悲何可釋故歡何可追臨岐不得渡瀉  
聲驚四流天造有微雨蕭蕭落林丘宣城在何  
許一夕江之洲良風動高樹明月臨孤舟行行  
余未已獨處君如何瓊瑤雖可寄歲月翻蹉跎  
逆旅何局促世路原風波孤生感易集勞者自  
爲歌

王徵君徵養疾

石葉滿地黃秋風動促織寂歷靜無人夜半聲  
唧唧抱痾在胡床伊誰話曾臆瀟湘南鴈鳴翽  
翔乖羽翼鍊藥在鼎鑪悠悠強自食精神會可  
全四體等雞肋望望江湖間何時有起色

袁太尉淑從駕

祈年事盛典肅駕至宮廟殷禮旣肇稱皇恩無  
不到萬姓總嵩呼九有驚大誥草木有光輝山  
河咸炳燿雲錦蔽晴空旌旄翳遠道大舖漢祠  
雍蒸新周典要武帝肆靈輿始皇窮海嶠緬懷  
千古英不及茲巡好俎上幸周旋環珮列前導

羣工被寵榮聖心愈康樂矢歌愧嘉謨陳詩繫  
風教王化本無涯微臣何所效

謝光祿莊郊遊

平生有幽願野好更無前整褐出郊際稅駕臨  
江邊深山虧白日林遠隔炎天旣遂丘中性將  
尋物外僊澗寒轉幽谷松陰落飛泉洞口霞氣  
藹峯頭花欲然蒼翠衣更濕黃鳥鳴翩翩吾情  
聊自適茲意向誰傳寄語風塵客富貴非所先  
鮑參軍昭戎行

時值孟冬月殺氣滿朔方征馬寒不鳴驅車掃  
嚴霜出門本狗義提戈去故鄉故鄉路漸遠前  
是古戰場將軍麾下令亟欲縛賢王山川白日  
晦寶劍生精光不惜馬革裹豈憚鳶食腸窮兵  
憶漢武築城思秦皇笳聲起何處感慨徒自傷  
男兒若惜死百世誰流芳

休上人怨別

涼風西北起客思日悠哉彼美成阻絕惆悵何  
時來中天有明月徒倚空徘徊九疑與三峽迢

卷之二  
三十一  
遙誰爲開尺素寄魚鴈雲雨迷荒臺人生有離  
別世路多塵埃瑤琴還在匣聊以舒中懷

